

Tuzla, 09.04.2019.

Broj:252/19

## **JAVNI POZIV**

### **za podršku start-up poduzetnicima**

Fondacija tuzlanske zajednice (FTZ) poziva zainteresovane građane/ke sa područja općina Kalesija i Lukavac i sa područja gradova Srebrenik, Tuzla i Živinice, koji planiraju pokrenuti vlastiti ili porodični biznis i koji žele unaprijediti svoje poduzetnički vještine i kompetencije da se prijave na javni poziv za podršku start-up poduzetnicima.

Fondacija tuzlanske zajednice (FTZ) u okviru projekta "Demokratsko i ekonomsko osnaživanje nerazvijenih zajednica u TK" koji implementira uz partnersku saradnju Freudenberg fondacije i finansijsku podršku Njemačkog saveznog ministarstva za vanjski razvoj (BMZ) realizuje i aktivnosti usmjerene na poboljšanje poduzetničkih kompetencija građana s ciljem povećanja zapošljivosti i samozapošljivosti građana kroz podršku pokretanju malih start-up preduzeća. Projekat se implementira u periodu od 01.06.2018. do 31.12.2021 godine, a u drugoj (2019.) i četvrtoj (2021.) godini projekta planirane su aktivnosti podrške razvoju poduzetništva i zapošljivosti građana.

Prijavom na poziv, zainteresovani kandidati stiču pravo na:

- dvomjesečnu obuku iz oblasti poduzetništva, u trajanju od 64 sata, koja će se održavati kroz 8 cjelodnevni predavanja u periodu maj-juli 2019. godine
- priliku da apliciraju za finansijsku i mentorsku podršku za realizaciju vlastite poslovne ideje (5000 do 10.000KM po poslovnom planu)

#### **Ciljna grupa**

- 20 zainteresovanih punoljetnih građana/ki sa područja općina Lukavac i Kalesija te sa područja gradova Živinice, Srebrenik, Kalesija i sa područja Grada Tuzla, koji planiraju pokrenuti vlastiti biznis i koji žele unaprijediti svoje poduzetnički vještine i kompetencije.
- Građani/ke koji nemaju formalno registriran biznis i koji žele da započnu vlastiti biznis.
- Prednost u pozivu imaju građani koji žive ili svoju biznis ideju žele pokrenuti u ciljanim zajednicama članicama Mreže aktivnih zajednica, a to su: Prokosovići, Bikodže, Babice, Bokavići, Turija, Gnojnica (Općina Lukavac), Živinice Gornje, Priluk, Šerići (Grad Živinice), Lisovići i Tinja (Grad Srebrenik), Hrasno i Seljublje (Općina Kalesija), Gornja Tuzla, Simin Han, Grabovica, Solina, Ši Selo, Srednja Lipnica, Dobrnja, Par Selo, Kiseljak (Grad Tuzla).
- Prednost u pozivu imaju i nezaposlena lica sa evidencije Zavoda za zapošljavanje.

#### **Očekivani rezultati**

Učesnici će unaprijediti svoja znanja i vještine o fazama poslovnog planiranja, marketingu i ostalim poduzetničkim oblastima. Svih 20 polaznika će biti osposobljeno da kreira poslovni plan i da isti kandiduje za finansijsku podršku kako bi pokrenuli vlastiti mali biznis. Nakon procjene dostavljenih biznis planova, start-up podršku za registraciju preduzeća i implementaciju poslovnog plana u vrijednosti od 5000 do 10.000KM dobiće do 6 najboljih kandidata. Kandidati koji dobiju finansijsku podršku dobiće i mentorsku podršku u prvim mjesecim pokretanja preduzeća kao i podršku za izradu reklamnih materijala i promociju svog biznisa.

#### **Struktura obuke**

Predviđeno je da se obuka sastoji od 4 modula, a svaki modul bi se sastojao od 2 cjelodnevna predavanja sa po 8 školskih časova. Ukupan predviđeni broj časova je 64. U okviru obuke zainteresovani kandidati će izraditi poslovni plan koji je osnov za dalju finansijsku i mentorsku podršku.

### **Moduli planirani obukom**

1. Poduzetništvo i poslovna ideja
2. Proizvod i istraživanje tržišta
3. Poslovno planiranje, marketing, operativni i plan upravljanja
4. Operativni, finansijski i biznis plan

### **Dodijela grantova**

Nakon obuke, stručna komisija će izvršiti procjenu dostavljenih biznis planova, te na osnovu kvalitete ideje i poslovnog plana, kao i spremnosti i odgovornosti kandidata odabrati najbolje biznis ideje. Komisija će procjenjivati sljedeće kriterije: prisustvo na obuci, motivaciju i kapacitet poduzetnika, inovativnost biznis ideje, utrživost proizvoda/usluge, održivost biznisa i kvalitet biznis plana. Ukupan fond za podršku poduzetničkim inicijativama iznosi 30.000KM. Fondacija tuzlanske zajednice će, zavisno od kvalitete poslovnih ideja i mogućnosti zapošljavanja više osoba finansijski podržati najmanje 3, a najviše 6 poslovnih ideja, u iznosima od 5.000 do 10.000KM.

### **Mentorska podrška**

Pored finansijske podrške, FTZ će u suradnji sa poslovnim sektorom, pružiti i mentorsku podršku odabranim start-up poduzetnicima u oblasti marketinga, finansija, plasmana proizvoda i sl. u prvim mjesecim pokretanja preduzeća.

### **Vremenski okvir**

Edukacija će biti organizovana od maja do jula 2019. godine. Odabrani kandidati biće blagovremeno obavješteni o tačnom rasporedu edukacija. Prijem finaliziranih poslovnih planova će se realizirati u julu 2019. godine, a dodjela sredstava za najbolje poslovne planove i potpisivanje ugovora sa dobitnicima će se realizirati u augustu mjesecu 2019. Odobrena sredstva će biti isplaćena najkasnije do decembra 2019., nakon registracije novoosnovanih start-up preduzeća.

### **Prijave i kontakt**

Svi aplikanti obavezni su dostaviti popunjen prijavni obrazac na e-mail adresu [inicijative@fondacijatz.org](mailto:inicijative@fondacijatz.org) najkasnije do 05.05.2019. godine.

Obzirom da je broj mjesta ograničen Fondacija tuzlanske zajednice zadržava pravo izbora zainteresovanih kandidata na osnovu dostavljenih informacija iz prijave. Svi aplikanti će biti obavješteni o ishodu procesa selekcije učesnika projekta najkasnije do 13.05.2018. Sva dodatna pitanja možete postaviti na gore pomenuti mail ili na broj 035/362-832.



FONDACIJA  
TUZLANSKE  
ZAJEDNICE

Darujte zajednici, darovali ste sebi!

Ul. Pozorišna 13, 75 000 Tuzla, BiH  
Tel: + 387 35 362 830/832/833  
Tel/Fax: + 387 35 362 831  
e - mail : [fondtz@fondacijatz.org](mailto:fondtz@fondacijatz.org)  
[www.fondacijatz.org](http://www.fondacijatz.org)

Ismet Sokoljanin  
menadžer za razvoj programa  
Fondacija tuzlanske zajednice

